

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Illvstrivm Virorum Epistolae, Hebraicae, Graecae et Latinae, Ad Ioannem Reuchlin Phorcensem virum nostra aetate doctissimum diuersis temporibus missae**

**Reuchlin, Johannes**

**Hagenoae, 1519**

F. Petrus Siber prouincialis ordinis praedicatorum Io. Reuchlin LL. doc.  
amico charissimo S. D. S.

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

I. O. REUCHLIN. LIBER SECVND.

doctrinæ ac scientiæ gratia facile subibant. Tam nobilem opinionem maximèq; homini conuenientem & rationi consentaneam non modo in animo fixe habes, sed re etiã in tibi charissimo executus es. Quamobrè & tu uir optime multa commendatiõe & admiratione merito dignus es, & nos cum tua tum ipsius pueri causa qui nobis ingenuus est uisus, eum benigno & alacri animo & uindimus ac suscepimus, & om̄em operam impèdimus, ut cum uiro graui & doctrina & bonis moribus p̄dito maneret. Atq; in posterum quicquid poterimus libenti animo in eum conferemus; ut non modo humanitatis officio quantũ in nobis est satisfaciam⁹, uerum etiam & rem gratã tibi & Principi tuo faciamus, qui tam diligenter ipsum cõmendauit. Cui & nos pro humanitate tua cõmèdabis, & nostram operam si quid possimus ultro offeres. Bene fœliciterq; uale. Die xvi. Iunii. M. CCCC. xci. Florentiæ.

F. Iacobus Sprenger Prouincialis ordinis Prædicatorum Ioanni Reuchlin LL. Doctori S. D. & syncerum in Domino affectum.

**T**VAS doctissime Legum professor literas humanitate referas, recepi. Tuum deniq; desyderiũ, quo libello græcis apicibus descripto langues amplexatus, negare nõ ualeo. Reperi ad tuam uoluntatẽ inclinatissimos conuentus Basiliensis patres, qui potius codice q̄ tuæ uoluntatis beneplacito care re uolunt. His tamẽ adiectis conditiõibus, ut ad usum tuũ quoad uixeris sit, ut si casu perditus fuerit, non tibi, ipsis aut sit amissus. Si uero tuis in extremis, apud te remanserit, tuum erit ut p̄fato restitatur conuentui prouidere, & ex tuis codicibus alterum pro ornatu Librariæ adiciere. Non aurum, non argentum, sed uicissitudinis loco tuum amplexamur affectum; utq; te exauditũ ob p̄ces suas nobilis & generosus tuus nosterq; dominus Comes Eberhardus de Vuirtemberg senior intelligat, effice. Tua mihi studiosissima placet translatio, & chartæ ut manum adponas dum hora uacauerit pro mei consolatione oro. Vale & tuum in me sentiam affectum. Ex Basilea ultima Augusti, Anno M. cccc. lxxxviii.

F. Petrus Siber Prouincialis ordinis Prædicatorum Io. Reuchlin LL. Doc. amico charissimo S.D.S.

E P I S. I L L V S T. V I R O R V M A D

**E**GREGIE domine Doctor amice charissime, Habeo tuae reuerentiae ingentes gratias pro diligentia ac labore in causa nostra. Remitto latorem presentium F. Paulum qui rursus consilio & auxilio tuo indigebit. Nos in huiusmodi causis practicae non habemus. Inuitus contendo, sed neque confusionem provinciae ac Ordinis libenter uiderem, possem uero optime pati cum pace & honore omnia terminata esse. Quod tuo consilio atque opera spero omnino posse fieri. Frater Paulus plura dicit cui fidem habebis, ego adhuc febribus fatigor. Tu uero uale quoptime. Ex Ulma xvi. calend. Maii. M. D. IIII.

F. Laurentius Aufkirch ordinis Praedicatorum,  
Ioanni Reuchlin LL. Doctori.

**A**LLELVIA cum salute. Egregie & charissime Doctor, immortales gratias agimus infirmi, Petrus & Laurentius uere ambo tui, quia partes nostras & uices fidelissime egisti, consiliis & auxiliis, cum Paulus tecum esset. Vale ergo sanus, cum honesta tua conthorali in æuum. Dat. Ulmae M. D. IIII. Lator dicit reliqua.

F. Laurentius Aufkirch Prouincialis ordinis Praedicatorum  
Ioanni Reuchlin LL. Doctori.

**U**AUERE, Salue, Gaude, Vale, cum conthorali tua optime ac fidelissime amice.

F. Vigandus Theologiae professor ordinis Praedicatorum  
Ioanni Reuchlin LL. Doctori S. D. P.  
& se commendat.

**T**ANTA sunt tuae dignationis obsequiorumque in ordine Dominici beneficia, Ioannes uir dignissime, ut merito omnes tibi eiusdem religionis homines, perpetuos constitueris debitores. Sed quid praestaret aut retribuere medicus? Plane nihil nisi quod tu forsitan haud parum arbitraris, Deo Opt. Max. orando sacrificandoque, apprime te ipsam commendare. Itaque certum scito, dum benefactores recensentur, nunquam praetermittendum fore. At quoniam ad id loci, te perduxit ad nos benignitas tua ut nostris remediari periculis tibi iustissimum uideatur, hac tempesta te cum nisi tua succurrisset docta prudentissimaque solertia, res no-